

# Mud Volapüka

Nüm 28

14 tobul 2016

---

## Rubrig gramatik

### Si

Vödil „si“ jonon das lepük binon veratik:

telna tel binon-li fol? **si**, fümükob atosi, bi telna tel veratiko binon fol

sevol-li **sio** atosi? = sevol-li **dido** atosi?

telna tel binon-li fol? **lesi** = telna tel binon-li fol? **si, fümiko**

### Sis, sisä

Präpod „sis“ e konyun „sisä“ pagebons ad jonön das jen eprimikon ün tim semik:

liolunüpo sevol omi? **sis** nifüp äyelik (pasetik) = ikosükob ko om ün nifüp äyelik

no kömom lü voböp okik **sis** tudel = lätikna ikömom lü voböp ün mudel

lenlabob plädoti **sis** *vedel* kü nif eprimikon nifön = eprimikob lenlabön plädoti **ün** *vedel* kü nif eprimikon = lenlabob plädoti **sisä** (**sis tim kü**) nif eprimikon nifön

Noet: präpod „sis“ no pagebon ad jonön vütimis, sevabo proibos gebön oni kobo ko „jü“ pla „de“.

no kömom lü voböp okik **sis** tudel = no kömom lü voböp okik te ünü dels kil (*de* mudel *jü* dödel)

## So

Ladvärb „so“ sinifon „somo“, „saidiko ad ...“, „igo saidik ad ...“ e pagebon ad jonön u geilükumön das yeg anik:

1) binon vemo gidöfik pro bos u saidik ad jenükön bos;

binom **so vemo** (**sovemo**) nämik das kanom tovön väti mö kuin bal = binom nämik **ad** tovön väti mö kuin bal = labom nämi kel leadon (leton) ome tovön väti **igo** mö kuin bal

skin ofa binon **so** molik äs sadin = skin ofa labon moli leigo ut sadina = skin ofa labon moli vemik (**igo** ze, no läs ka ut sadina) = skin ofa labon moli **somik** äs sadin

2) labon patöfis *semik, somik*.

kvisinof **so** (**soiko**) *vio* löfob = kvisinof **ebo me mod somik keli** löfob

xänön tu geiliko **sodas** no kanoy golön föfio ni pödio = xänön tu geiliko **so** *das* no kanoy golön föfio ni pödio = xänön tu geiliko **tö plad semik (u me mod semik)** *das* no kanoy golön föfio ni pödio

äpükom **so** nelaodiko äsva äpaplodom is soeliko (klu no äkanob lielön omi gudiko) = äpükom ko tonodalöpot **semik** kel äneleton lielön omi gudiko

binos *sio* **soik** = binos *ebo* **somik** = atos *dido* **baiädon** (etose/etosi keli ebepenol)

## Su

Präpod „su“ jonon das yeg papladon love sürfat bosa kontagölo kon:  
on:

seatön, seadön **su** glun = seatön, seadön **love** glun kontagölo oni

nafädön **su** klif = kobojoikön **sürfati** klifa

dünädön **su** naf = dünädön **pö** naf

stanön **su** futs = stanön **su** glun me futs = stanön dranölo/tridölo  
gluni me futs

vomül jönik papänof **su** pöträt (me kölams) = sürfat pöträta  
ninädön magod vomüla jönik pimeköl (pipänöl) me kölams

efalob **sui** glun = efalob **lü sürfät** gluna

seadob **su** jevod = esäedükob jevodi ed elöpikob **love** on =  
ebegrämob jevodi = elöpikob **sui** on

## Sus

Präpod „sus“ jonon das yeg anik papladon **stediko** geilikumo ka  
bos, love bos:


pöträt lagon **sus** ramar = pöträt lagon **stediko geilikumo ka**  
ramar = pöträt lagon **love** ramar

## Sö

Lintelek „sö“ pagebon ad jänälön küpäli eka nenküvido:

sö! kosgololös lü ob, ab te stiliko (soiko dat no uküpom oli)! = he  
(visipolö)! kosgololös lü ob, ab te stiliko (sodas no uküpom oli)!

# Sevols-li, das ... Jveizän





1) Jveizän binon län tö Zänoda-Yurop e län belöfikün vola. Kildils tels sürfata ona binons bels ko sömits nifik e tönuls plu 600. Tönul belik lunikün el ‚Lötschberg‘ papladon tö Jveizän e labon lunoti mö milmets plu 34.



2) Tö Jveizän laks jönik plu 600 dabinons. I dötums plu 60 lektinanäm valik Jveizäna paprodons pö lektinajafädöps vatik.



3) Pö Jveizän te doms e nügölöps labons nümis. Lödadoms pamalons me taibs ko famülanems lödanas.

4) Cils pö Jveizän primikons lärnön pö juls ya ön bäldot mö lifayels fol. Ab lärnons te ünü dels fol a vig – ün mudel, tudel, dödel e fridel.

5) Tö Jveizän püks calöfik fol dabinos – Deutänapük e pükönamods valasotik ona (64% spikanas), Fransänapük (20,4%), Litaliyänapük (6,5%) rumonapük (<1%).

6) Jveizän no labon cifazifi calöfik, bi binon fed kantonas 26 leigagitätiks ko dalon lönik. Jenöfo cif ledinik läna binon el ‚Bern‘ - cifazif kantona leiganemilabik, cif lulid bai num lödanas. Mödadilo mieds kantona baiädön ko mieds ziläka püka semik.



7) Ad vedön sifan Jvezäna foginans mutons lödön tö län ünü yels  
12. Foginänans binükons dötumis za 23 lödanas.

8) Jvezän binon lomän tänitana jiel ‚Martina Hingis‘.



Säkis, küpetis e lofotis aliks ä materis e volanuns  
nitediks kanols lüsedön lü penedabog «komunan@yandex.ru».